




KALAALLIT NUNAATA RADIOA  
INNUTTAASUNIK KIFFARTUUSSINEQ PILLU-  
GU NASSUIAAT 2010

NUUK, SEPTEMBARI, 2011

## 1. KINGUMUT QIVARNEQ



*TV-p immiussisarfissuata qilaava (Asseq: Deluxus Studio)*

### **Kulturi**

Innuttaasunik kiffartuussiviup Kalaallit Nunaata Radioata (KNR) Unnuk kulturisiorfik ukiumi 2010-mi aappassaaneerluni peqataaffigaa. KNR-ip Mads Lumholdt aqutsisoralugu, Michael Bojesen aamma DR Pigeoret suleqatigalugit Augustinus Fondenimillu aningaasaliiffigineqartumik nivissat erinarsoqatigiit 'KNR-ip Qupannavaatai' pilersippai. Qupannavaat Katuami adventimi tusarnaartitsinermi siullerpaamik tusarnaartitsipput.

Radiomi pisortaasimasup maannalu qangangoreersup Peter Frederik Rosingip KNR-imi sulinini ingerlateqqippaa, tamatumuuna kalaallit oqaasiisa atorneqarnerinut siunnorsortitut. Aallakaatitassiaq 'Minutsimut oqaatsit' Oqaasileriffik suleqatigalugu aallartinneqarpoq.

Ukioq taanna KNR-ip Paarisap paasititsiniutaa 'Nûno tutillugu' aallakaatippaa. Aamma Tungutaq Larsenip Nassuttuumut angalanilersaarutaa 'Arfersiorfik' aallakaatipparput. Nuna Fonden juullimut ammartakkap KNR-ikkut aallakaatinneqarnissaanut aningaasaliivoq. Suliassaq Deluxus Studiomet tunniunneqarpoq, 'Tammartagarlu' decembarip qaammataani aallakaatinneqarluni.

Afrikami kujallermi isikkamik arsaannermi VM-ertoqarneranit unamminerit 43-t aallakaatippagut, kiisalu ujakkaarluni sisorarlunilu GM-ertoqarneranit Sisimiunit ilanngutas-siilluta, volleyballimik GM-ertoqarnerani ajugaaniutivinnermut anngunniunnerit ajugaa-niutivinnerillu aallakaatippagut Arctic Winter Gamesimillu ilanngutassiisarluta. Unnukkut aallakaatitassiap 'Pulaarfiup' aqqissuisoqarfia Sisimiuni kulturikkut illorsuarmi Taseralimmi aallakaatitassianik qulinik immiussivoq, Haitimilu nunap sajorujussuarneranit eq-qugaasimasunut Kalaallit Røde Korsia suleqatigalugu katersuiniaqataalluni.



*'Pulaarfik' Sisimiuni kulturikkut illorsuarmit Taseralimmit aallakaatitsisoq (Asseq: Nauja Brøns)*

Nanu Børnip nuna tamakkerlugu katersuiniarnera Tele Greenland, Katuaq Nuuk Tv-lu suleqatigalugit TV-kkut toqqaannartumik aallakaatinneqarpoq. Pattattartup Jim Milnep kingorna KNR ima allaffigaa: 'Arlallit isiginnaarutikkut nipaata pitsaanera kiisalu assit nuannersuuneri, assitigut pitsaasumik isikkoqarneranik aammalu pisup aallakaatinneqarneranik, taamaaliornikkullu sinerissami kikkut tamarmik peqataasinnaangortinnerinik iluarisimaarinnittunik arlalinnit oqarfigineqarpunga. Torrak! Taamaassaaq.' KNR-ip TV2-p aallakaatitassiaa AllStars Julie Berthelsenimit Mads Lumholtimillu peqataaffigineqartoq aallakaatippaa, ajugaaniutivinnerlu Katuami isiginnaarussuakut takutilugu, tassangaanniillu TV2-p aallakaatitassiaanut toqqaannartumik ilanngutassiilluta. Inuit Circumpolar Councils (ICC) Katuami ingerlanneqarnera tamaat KNR-ip radiokkut TV-kkullu toqqaannartumik aallakaatippaa.

## **Teknikki**

Tele Greenlandip aallakaatitsinermik digitaliusumik DVB-T-mik aallartisaavoq, KNR-ilu maanna MPLS-ip aqquataasigut Streambox Encoderit atorlugit radiomik TV-millu toqqaannartumik aallakaatitsisinnaangorluni. KNR-ip aallakaatitsivimmi ataavartumi assip isikkua silinnerusoq 16:9 aamma atulerpaa.

Sunniivigeqatigiinnissaq pitsaanerusumillu ataqatigiissaarinissaq anguniarlugu IT-p digitalinngorsaanerullu iluani piginnaasat katersorneqarput. Atortorissaarutit ajutoorutigisarnersigut ukiup ingerlanerani unammilligassat annertuut aqqusaarneqarsimapput, pingaartumillu Citrix ajornartorsiutaangaatsiarsimalluni.

2010-mi aamma illorsuup ilassutaa oquk pissutigalugu matuneqarpoq, sulisullu aqqanillit illorsuarmut nuutsinneqarput sisamallu allaffinnut containerinut nuutsinneqarlutik. Radiohusitoqaaq aamma oqummik nassaarfigineqarpoq. Ajornerpaartai iluarsaanneqarput: Qulimiguulinnut inissiisarfiusimasup qaliaa nutaamik qalissialerneqarpoq, imeq tassuuna isaasoq isaasussaajunnaarlugu. KNR-imi pujortartartut qui pujortartarfik Sanaartornermik Ilinniartarfik ilinniartut sanaavat atoqqaarfissiorpaat.



*Suerpoq, radiollu TV-llu aallakaatitsiviini silaannaq nillertoq isaasarluni (Asseq: Angu Motzfeldt)*

## **Killiliussat**

KNR-imi siulersuisut suleriaasissaq nutaaq pisortaqatigiinnullu iltersuutissaq nutaaq suliaaraat. Piginnittut utaqqiisaasumik inissiat aqunneqarnerat qitiusumik allaffissuarmut katersorpaat. KNR naatsorsuuserinermut systemimik nutaamik eqqussivoq, taarsigassarsianillu utertitsinissaq pillugu isumaqatigissusiortluni. KNR Namminersorlutillu Oqartussat piffissamut 2009-mit 2012-imut kiffartuussinissamik isumaqatigiissuteqarput. 2010-

mittaaq Naalackersuisut tusagassiuutit pillugit suleqatigiissitaliorput, nassuiaallu 'Tusagassiuutit nukittuut – peqatigiilluta siunissaq ilusilersussavarput' tassannga suliarineqarluni. Suleqatigiissitat KNR pillugu inassutaat tassaapput:

- KNR namminersorluni ingerlalluni aningaasaateqarfinngortinneqassaaq, tassunga ilanngullugu aningaasaqarnikkut nammineertunngortinneqarluni
- KNR-ip ukiumoortumik aningaasanut inatsisikkut isumaqatigiinniutigineqassaaq nunattalu karsianit tapiissutit ukiunut arlalinnut killiliussatigut aalajangersimasutigut akit qaffasissusaat malillugit agguataarneqartassallutik
- KNR malunnaatilimmik aningaasanik amerlanerusunik qulakkeerneqassaaq, suliffeqarfiup innuttaasunik kiffartuussinissamik pisussaaffimminik naammassisaqarsinnaaqullugu
- KNR suliatigut suliniaqatigiiffinnut isumaqatigiinniarsinnaatitaaneq tigussavaa
- KNR-imi siulersuisut aningaasaqarneq, aningaasaliineq tusagassiuuteqarnikkullu nunani tamalaani ineriartorneq pillugu piginnaatitsissutinik tunineqassapput
- KNR pilerisaarusiornermik suliaqarunnaassaaq, pilerisaarutinilli aallakaatitsinissamut akuersissummik tunineqassalluni, radiomi tv-miluinnaq atuuttumik
- KNR illumi tusagassiuuteqarfimmi nutaanik pitsaanerusunillu sinaakkuserneqassaaq.

### **Ilinniartitaaneq**

Arne Hansen elektronik fagteknikeritut naammassivoq. Knud Brøns Brian Christiansenilu produktionsteknikeritut naammassipput. Pingasuullutik KNR-imi atorfinipput. Professor Anker Brink Lund siulersuisunut KNR-imilu sulisunut marsip naalernerani tusagassiuutit iluanni ineriartorneq pillugu oqalugiapoq.

### **Nittartagaq**

KNR-ip nittartakkami pisoqqami oqaaseqaateqarsinnaaneq atorunnaarsittariaqarsimavaa, oqaaseqaatinik nakkutilliinermut nukissaqannginneq pissutigalugu. Nittartagaq nutaaq<sup>1</sup> oqaaseqaateqarnissamut pitsaanerusumik atortorissaarutitalik open source systemi Drupal tunngavigalugu ineriartortinneqarsimavoq.

### **Nutaarsiassat**

Aaqqissuisoqarfinni sammisat assigiinngitsorpassuit sammineqarput, ilaatigut akileraartarnermut atugarissaanermullu isumalioqatigiissitat isumaliutissiissutaat siulleq, Arktisk Rådip Nuummi ataatsimiinnera, Alcoa, uuliasiorneq aatsitassarsiornerlu, allamiunik suli-soqarnermi akileraarusiinissaq Panbollu illuliai.

### **Anguniagassat pillugit isumaqatigiissut**

Naalackersuisut Kalaallit Nunaata Radioatalu (KNR) akornanni anguniagassat pillugit isumaqatigiissut, 2009-mit 2012-imut atuuttoq malillugu, KNR pisussaavoq innuttaasunik kiffartuussinissamut pisussaaffimminik naammassisaqarnerminut uppersaaitit ukiumoortumik nassuiaateqassalluni. Nassuiaammut piunasaqaatit Radiokkut tv-kkullu

---

<sup>1</sup> Nittartagaq nutaaq marsip aallaqqaataani 2011-mi atuutilerpoq.

aallakaatitsinermut Inatsisartut peqqussutaanni nr. 6, 14. november 2004-meersumi § 28-mi allassimapput.

Radiomi tv-milu aallakaatinneqartut tamaasa KNR-imi qarasaasiakkut programmimi, 1996-imi KNR-imut suliarineqarsimasumi, maannalu pisoqalisimasumi nalunaarsorneqartarput, tamatumalu suliarineqarnera piffissamik annertuumik pisariaqartitsisarpoq. Assersuutigalugu paasissutissat allanngortinneqartut imaluunniit nunguterneqartut tamaasa nalunaarsorsimaffinni allassimasarput, allannguutillu quleriiaani immikkoortumi allassimasarlutik. 2010-mi suliassamut tunngatillugu sulisunik taarsiisoqarpoq, imarisallu malinnaatinniarnerni misilittagaqarnissaq sungiussisimanagerlu pisariaqarmat pingaartumik suussutsinut oqaatsinullu immikkoortiterinissaq ajoraluartumik kukkuneqartarsimalutik. Tamanna kingornatigut iluarsineqarpoq.

## 2. SIAMMARTERINEQ

KNR-ip innuttaasunik kiffartuussinini radiokkut, tv-kkut, tekst tv-kkut internettikkullu siammarterinermut aqqudit makku atorlugit siammartertarpaa:

### Nalunaarsuiffik 1. TV-mik, radiomik, nittartakkanik, Facebookimik tekst TV-millu 2010-mi siammarterineq

<b>TV</b>	KNR TV UHF kanalikkut, radiokkut attaveqaatikkut qaammataasakkullu siammarterneqarpoq. Tele Greenlandip 2010-p 2011-llu ingerlanerini DVB-T aallartissavaa, KNR-ilu illoqarfinni arlalinni DVB-T-kkut aallakaatinneqalereerpoq. DVB-T kanali ilassutaasoq ataaseq Inatsisartut ataatsimiinnerisa aallakaatinneqarnerinut misile-raatitut atorneqassaaq.
<b>Radio</b>	KNR (DVB-T, FM; Frequence Modulation radiokkut attaveqaatit qaammataasarluaqqudigalugit) Kortbølgemik aallakaatitsivik frekvensimi 3815 kHz Tunumi kilisaatinut avataasior-tunut aallakaatitsissutitut atorneqarpoq
<b>Nittartagaq</b>	KNR-ip nittartagaq <a href="http://www.knr.gl">www.knr.gl</a>
<b>Facebook</b>	KNR Facebookimiippoq eqimattani ukunani 'knr.gl' aamma 'Tamassa'
<b>Tekst TV</b>	KNR Tekst TV-mut imarisanik TV-p kanalianut attuumassutilinnik siammarterivoq

### 3. ANINGAASAQARNIKKUT KILLILIUSSAT

KNR-imut 2010-mi aningaasaliissutit nalunaarsuiffimmi ataaniittumi takuneqarsinnaapput, ukiumilu tassani isertitat aningaasartuutillu anguniagassat pillugit isumaqatigiissutip 2010-mut kisitsisitaanut naleqqiunneqarlutik.

Naatsorsuuserinermi tunngavigineqartartut ukiumoortumik naatsorsuutini atorneqartunut naleqqiutissagaanni, taarsigassarsianut akiliutit ingerlatsinermut aningaasartuutitut allanut 1,0 mio. kr.-inik ilanngunneqarsimapput.

Isertitat appasinnerusut pingaartumik pilersaarutinit aningaasaliisunillu isertitat allangorsimanerinek tunngaveqarput.

Akissarsianut aningaasartuutini nikingassutaasoq pigaartuunermut tapinut arfininngornermilu, sapaatini nalliuttunilu sulinermut tapinut akiliutit annertusisimanerannut tunngassuteqarpoq. Aammattaaq akissarsianut aningaasartuutitut ilaapput allaffissornikkut sulisunut marlunnut, allaffissornikkut pisariillisaaneq pissutigalugu suliunnaarsinneqartunut immikkoortitat kiisalu sulisunut suliunnaartunut feeriaqarnersiutitut annertunerusumik aningaasartuuteqarsimaneq.


Ingerlatsinermut aningaasartuutitut allat appariarsimanerisa annerpaartaat qitiusumik pisiniartarfiup allaffiata missingersuutinek sippuisimaneraneq peqquteqarpoq, KNR-imut naatsorsuutiginnisamik 0,7 mio. kr.-inik aningaasartuuteqartitsisimalluni.

Nalunaarsuiffik 2. 2010-mi isertitat aningaasartuutillu tusind kr.-inngorlugit.			
	Piviusunngortit	Anguniagassanik isumaqatigiissut	Nikingassut
<b>Isertitat</b>			
Nunatta karsianit aningaasaliissutit	59.822	59.631	191
Isertitat allat	4.976	6.900	-1.924
<b>Isertitat katillugit</b>	<b>64.798</b>	<b>66.531</b>	<b>-1.733</b>
<b>Aningaasartuutit</b>			
Akissarsianut avataaneersunut akissarsiat ilanngunnagit	43.278	42.000	1.278
Ilinniaqqinnerit ilinniakkanillu nangitsinerit	407	700	-293
Ingerlatsinermut aningaasartuutit allat Aningaasaliinermut aningaasartuutit ilanngullugit.	24.097	23.100	997
<b>Aningaasartuutit katillugit</b>	<b>67.782</b>	<b>65.800</b>	<b>1.982</b>




Akissarsianut aningaasaliissutit %- nngorlugit	72,3	70,4
---	------	------

KNR-ip aningaasaqarnera ukiuni arlalinni sukangasimavoq. Tamanna takussutissiami 1-imi takuneqarsinnaavoq, ukiuni 2003-mit 2014-imut ingerlatsinikkut angusat takutinneqarlutik.




Takussutissiaq 1. KNR-ip ingerlatsinikkut angusai ukiuni 2003 - 14

KNR taarsigassarsisinnaatitaanermik malunnaatilimmik allisitsinermigut 2007-imi atortorissaarutiniq digitaliusunik nutaanik pisivoq. Aningaasartuutaavoq akiliisinnaassutsimullu nanertuutaalluni, suliffeqarfiullu aningaasaqarneranut ukioq 2024-p tungaanut akornutaassalluni. 2011-mi erniat naafferartumillu akiliutit taamaasillutik 2 mio. kr.-it missaanniipput. Ukiuni 2003-mit 2014-imut nammineq aningaasaatit negativimik ineriartornerat ataani takuneqarsinnaavoq.



Takussutissiaq 2. KNR-ip piffissami 2003-2014-imi nammineq aningaasaatai. KNR-ip nammineq aningaasaatiminik ajornartorsiuteqarnera kukkuneriusiunit ukiut tul-leriit erseqqissaatigineqarsimavoq, nunattalu karsia sullissivimmut immikkut ittumik ta- piissuteqarnissaminik aalajangeeriataangippat tamatuma iluarseqqinneqarnissaa ajor- nartuussasoq.



Takussutissiaq 3. Aningaasaliissutit 1.000 kr.-inngorlugit KNR-imi piffissami 1984-imit 2010-mut sulisorisat

Kalaallit Nunaata Radioa 1958-imi pilersinneqarpoq, Danmarks Radiomiillu 4 mio. kr.-inik taarsigassarsinikkut TV 1982-imi aallartisarneqarluni, KNR-ilu 1996-imi nittartagartaq-qaarpoq. Qulaani takussutissiami 3-mi takuneqarsinnaasutut sulisorisat 1994-imi amer- lanerpaajusimapput, 140-simallutik. 2010-mi sulisorisat 109-upput. Allaffissornikkut atorfiit marluk 2010-p ingerlanerani sipaarniutigineqarsimapput.



*Aqqissuisoq Tungutaq Larsen katiterivimmi 2-mi (Asseq: Deluxus Studio)*

Tusagassiuutini immikkut ilisimasallit naapertorlugit innuttaasunik kiffartuussivik naliginnaasumik sulisumut ataatsimut ukiumoortumik akissarsianut, soraarnerussutisianut, angalanernut paasiniaanermullu atugassanik 900.000 kr.-iuteqartariaqarpoq. KNR 2010-mi sulisumut ataatsimut 500.000 kr.-it atorsinnaavai, naak maani nunatsinni aallakaati-tassiornermut aningaasartuutaasartut qaffasissupilussuugaluartut.

### 3. NAMMINEQ AALLAKAATITASSIAT SUUSSUTSINUT AGGUATAARLUGIT

<b>Nalunaarsuiffik 3. Nammineq aallakaatitassiat nal. ak.-inngorlugit radiomilu tv-milu suussutsinut agguataarlugit</b>			
	<b>Isumaqatigiissut 2010</b>	<b>Pivisunngortitat 2010</b>	<b>Nikingassut</b>
<b>Kalaallisut aallakaatitassianik allanik aallakaatitsineq</b>			
Radio	300	178	-122
Tv	18	23	+5
<b>Radiokkut nammineq aallakaatitassiat</b>			
Meeqqanut inuusuttunullu	154	149	-5
Eqqumiitsuliorneq kulturilu	1.406	1.699	+293
Nutaarsiassat pisunillu sammisaqarneq	487	356	-131
Ilinniartitsineq	18	2	-16
Peqqinneq	21	2	-19
<b>Nal. ak. katillugit</b>	<b>2.086</b>	<b>2.208</b>	<b>+122</b>
<b>TV-kkut nammineq aallakaatitassiat</b>			
Meeqqanut inuusuttunullu	38	19	-19
Eqqumiitsuliorneq kulturilu	73	162	+89
Nutaarsiassat pisunillu sammisaqarneq	120	98	-22
Ilinniartitsineq	8	0	-8
Peqqinneq	19	0	-19
<b>Nal. ak. katillugit</b>	<b>258</b>	<b>279</b>	<b>+21</b>

Nammineq aallakaatitassiorneq nalunaarsuiffimmi 4-mi aallakaatitassiatut suliatut nas-suarneqarput, assersuutigalugulu silassamik Lottomillu kisitsisinik nutserineq nas-suiaammut tassunga ilaanatik, naak tamakkuninnga kalaallisuunngortitsineq piffissamik pisariaqartitsillunilu aaqqissuisoqarnikkut paasininnermik pisariaqartitsigaluartoq, oqaatsit atorneqartut marluk, tassalu kalaallisut danskisullu, assigiinngissuterujussuat pissutigalugu. Nalunaarsuiffimmi 3-mi 'Kalaallit aallakaatitassiaannik allanik aallakaatitsineq' suussutsinut immikkoortiterneqanngilaq. Maluginiarneqassaaq minutsinik akun-naallisaaneq kisitsisit katinnerini annikitsumik nikingatitsisinnaammat.

#### **Radio**

KNR ulloq unnuarluni nalunaaquttap akunnerini 24-ini radiomik aallakaatitsisarpog, 2010-milu inuttaqartinnera tassaavoq pisortaq ataaseq, aaqqissuisoq ataaseq, tusagas-siortut qulit speakerillu marluk. Immikkoortortoqarfiup aallakaatitassiai tassaapput:

- Ullaarngani aallakaatitassiaq 'Iterluarnaag'
- Ualinerani aallakaatitassiaq 'Nunarput ullumi'
- Oqarasuaatikkut oqaloqateqarluni aallakaatitassiaq 'Aperiinnariarit'
- Oqarasuaatikkut oqaloqateqarluni aallakaatitassiaq 'Inuugujog'
- 'Pulaarti'-mi pulaarteqarluni aallakaatitassiaq
- Pulaarteqarluni oqallitsitsineq 'Oqalliffik'
- Tunuliaqutsiilluni aallakaatitassiaq 'Qulequtaq'
- 'Ippiarsuk'
- 'Nipilersukkat nuannarisakka'
- Ilisaritsilluni aallakaatitassiaq 'Tamassa kangujarlutit'
- Aliikkusersuilluni aallakaatitassiaq 'Aliikkusiarfik'
- Aliikkusersuilluni aallakaatitassiaq 'Oqaluasaarfik'.

Radiomi freelancerit suleqatigalugit aallakaatitassiat makku suliarineqarput:

- 'Ullormut eqqarsaatigisassat'
- 'Biibilimit atuaaneq'
- Tunuliaqutsiilluni aallakaatitassiaq 'Nunarput pillugu'
- Nipilersukkanik aallakaatitassiaq 'Tusarnaartilaarlassi'
- 'Allagarsiat'
- Oqarasuaatikkut oqaloqateqarluni aallakaatitassiaq 'Hallo Hallo'
- Meeqqanut aallakaatitassiaq 'Meeqqanut'
- Kulturi pillugu aallakaatitassiaq 'Qilaat'
- Timersorneq pillugu aallakaatitassiaq 'Radiumi timersorneq'
- Oqaatsit pillugit aallakaatitassiaq 'Oqaatsit'
- Oqaatsit pillugit aallakaatitassiaq 'Oqaatsit minutsimut'.

Radiomi aallakaatitassianut nalunaaquttap akunnerisa katinneri minnerpaaffittut piumasagaatit nalunaaquttap akunnerinik 122-inik sinernerqarput. Nalunaarsuiffimmi 3-mi 'Kalaallit aallakaatitassiaat allat' nalunaaquttap akunnerinik 122-inik nikingassuteqarnerat marlunnik peqquteqarpoq: Siullertut najukkani radioqarfinit freelancerinillu aala-jaatsumik pilersorneqarnissaq 2010-mi ajornakusoorsimavoq. Aappassaattullu freelancerit aallakaatitassiaat KNR-ip atortorissaarutai atorlugit suliarineqartut suleqatigiilluni aallakaatitassiatut nalunaarsorneqartarput, KNR-illu nammineq aallakaatitassiorneranut ilanngullugit naatsorsuunneqartarlutik.

Radioaviisi, ataatsimik aqqissuisoqartoq, qulingiluanik tusagassiorartoqartoq pingasunillu aallakaatitsisoqarluni, ullut tamaasa ulluinnarni makkuninnga aallakaatitsisarpoq:

- Radioaviisi nal. 7, 8 aamma 9 kalaallisut
- Radioaviisi nal. 7, 8 aamma 9 danskisut
- Radioaviisi nal. 12.15 kalaallisut
- Radioaviisi nal. 12.30 danskisut
- Radioaviisi nal. 18.30 kalaallisut
- Radioaviisi nal. 19.00 danskisut

- Kalaallit Nunaannit nutaarsiassat DR, P1

Arfininngornikkut, sapaatikkut nalliuttunilu oqaatsit marluit atorlugit radioaviisit marluk aallakaatinneqartarput, ualikkut ataaseq, unnukkullu ataaseq.



*KNR radiomi aaqqissuisoq Stina Skifte (Asseq: Deluxus Studio)*

KNR-ip 'Eqqumiitsuliorneq kulturilu'-p iluani minnerpaaffittut piumasaqaatit nalunaaquttap akunnerinik 293-inik sinnersimavai, suussutsillu allat minnerpaaffik angusimangu. Tamanna ullaap tungaani aallakaatitassiap 'Iterluarnaap' ualikkullu aallakaatitassiap 'Nunarput ullumi'-p suussutsip ataatsip ataaniinnaq nalunaarsorneqartarnerinik peqquteqarpoq, amerlanertigullu 'Eqqumiitsuliorneq kulturi'p ataani nalunaarsorneqartarput, naak aallakaatitassiat nutaarsiassanik, pisut pillugit, ilinniartitsinermik peqqinnermullu tunngasunik imaqartaraluartut.

Nalunaaquttap akunneri sisamat 'ilinniartitaaneq peqqinnerlu'-p ataani naatsorsorneqarsimasut tassaapput atoqatigiinneq pillugu ilinniartitsineq pujortartarunnaarnissamullu pikkorissartitsineq pillugu aallakaatitassiat.

## TV

KNR TV 2010-mi makkuninnga sulisoqarpoq: Pisortaq ataaseq, aallakaatitassiornermi pilersaarusiortoq, aallakaatitassiortut tallimat aallakaatitsisartullu marluk. Immikkoortortaqruiup aallakaatitassiat makku suliarai:

- Pulaartoqarluni aallakaatitassiaq 'Pulaarfik'
- Inuusuttunut aallakaatitassiaq 'Oqarit'
- Tunuliaqutsiilluni aallakaatitassiaq 'Isuma'
- Meeqqanut aallakaatitassiaq 'Upaluk Mikilu'
- Toqqaannartumik aallakaatitsinerit

KNR 2010-mi isumaqatigiissut piumasaqaatigineqartoq malillugu nalunaaquttap akunnerinik tallimanik sinnerlugu Kalaallit Nunaanni aallakaatitassiortunit avataaneersunit TV-kkut aallakaatitassiorpoq. Meeqqanulli inuusuttunullu 2010-mi nalunaaquttap akunnerini 19-iinnarnik sivisussusilimmik TV-kkut aallakaatitassiorqarluni. Tamanna ukiup ingerlaneri sulisut taarseraassimanerannik peqquteqarpoq.

Nutaarsiassanik pisunillu aallakaatitassiat isumaqatigiissutaasumit nalunaaquttap akunnerinik 22-inik ikinnerusut suliarineqarsimapput, tamannalu pingaartumik Qanoruumi sulisoqarnikkut inissisimaniarneq peqqutaavoq, tassani atorfiit pingasut sivisuumik inutaqarsimangimmata.



TV-mi aallakaatitassiorqoq Pipaluk Kreutzmann Jørgensen, 'Oqarit' (Asseq: Deluxus Studio)

Nalunaarsuiffimmi 3-mi aamma suussutsip 'ilinniartitsinerup' ataani suliaqartoqarsimannginnera takuneqarsinnaavoq, KNR-imi 'ilinniartitsilluni TV'-mik taasamik 2010-mi



aallakaatitassiorsimangilaq. Aallakaatitassiali amerlasuut, 'Eqqumiitsuliorneq kulturi'-p ataani nalunaarsorneqarsimasut 'ilinniutitut tv'-tut taaneqarsinnaapput. Tassaapput aallakaatitassiat 'Kulturi'-tut ittut, ilaatigut nangeqattaartuliami ammerineq sammineqarsimalluni, 'Nunatta naasui iluaqutigaakka', kalaallit naasuutaasa iluaqutiginiarneqarsinnaaneritut tunngasoq, 'Arfersiorfik', arfanniarnermi periaatsit aalajangersimasut pillugit, GTE-p 'A Taste of Greenland', kalaallit nerisassiaannik iganeq pillugu aallakaatitassiaq kalaallisuunngortitaq, aallakaatitassiarpassuillu allat, soorlu nipilersoqatigiit 'Torluut' qanoq ilillutik nipilersuusiortarnerannit sanaaluttartut qanoq sulisarnerannut. Tamanna suussutsimut 'Peqqinneq'-mut aamma atuuppoq, sammisaq taanna unnukkut aallakaatitassiami 'Pulaarfimmi' aallakaatitani arlalinni sammineqarsimalluni.

'Qanoruumi' aqqissuisoqarfik 2010-mi makkuninnga sulisoqarpoq, aqqissuisoq ataaseq, tusagassiortut sisamat, aallakaatitsivimmi saqqummiisartut marluk aallakaatitassiornermilu ikiorti ataaseq. Aqqissuisoqarfik ulluinnarni TV-kkut nutaarsiassanik aallakaatitassioortarpoq, sapaatip akunneranullu ataasiarluni 'Sapaatip akunnerani pisunik' DR2-mut aallakaatitassioortarluni. Qanorooq aasaanerani 'Aasaannaqaaq' sapaatip akunneranut ataasiarluni aallakaatittarpaa. Ukiulli ilarujussua atorfiit ilaat inuttaqanngillat, taamaattumillu Qanorooq minutsit isumaqatigiissutaasut tunniussinnaasimanagit.

#### 4. AALLAKAATITASSIORTUNIT AVATAANEERSUNIT PISINIARNEQ

KNR 2010-mi aallakaatitassioortunit avataaneersunit radiokkut aallakaatitassianik nalunaquttap akunnerinik 219-inik sivisussuseqartunik, TV-kkullu aallakaatitassianik nalunaquttap akunnerinik 3.838-inik sivisussuseqartunik aallakaatitassioortunit avataaneersunit pisivoq.

## 5. KNR-IP AALLAKAATITASSIAANI OQAATSIT AGGUATAARNERI



*Radiomi speakeriutigaluni teknikeri Erik Olsen (Asseq: Delux Studio)*

### **Radiomi oqaatsit agguataarneri**

Nalunaarsuiffimmi 4-mi ataaniittumi nalunaaquttap akunnerini katillugit 7.042-isuni pile-risaarutit nittarsaassinerillu ilanngunneqanngillat. Nalunaaquttap akunneri taakku tassaapput radiomut aallakaatitassiornerit tassaallutillu aallakaateqqaarneri, aallakaateqqinneri toqqorsivimmiillu aallakaatitsinerit. Nalunaarsuiffimmi takuneqarsinnaavoq radiop imarisaata 88,8 %-ia kalaallisuujusoq, 4,5 % danskisuujulluni, 6,5 %-inilu oqaatsit marluut atorineqarsimasut.

Aallakaatitassiat danskisoortut 4,5 %-iusut tasaanerupput Radioaviisimi nutaarsiassat aallakaatitassiallu arlariit, soorlu juullimut ammartagaq danskisoortoq, 'Kalaallit Nunaat pillugu', 'Kalaallit Nunaata avannaarsuani assaanerit', 'Tunumi ernisussiortuuneq', 'Nunaqarfik Kangerlussuaq', kiisalu DR'ip aallakaatitassiai, soorlu 'Videnskabens verden', 'Harddisken', 'Apropos', 'Vita', 'Eksistens', 'Mennesker og tro' aammalu 'Dronningip ukiortaami oqalugiaataa'.

Kalaallisut danskisullu aallakaatitat 6,5 %-iusut ilaatigut tassaapput *toqqaannartumik* aallakaatitsinerit, soorlu isikkamik arsaannermi arnat angutillu unammineri, kissaatigisat, nalliuttut nalunaarutillu pillugit, juullimi tusarnaartitsinerit, meeqqanut aallakaatitassiat 'Hallo hallo'-tut 'Allagarsiatullu' ittut, Inatsisartut ataatsimiinneri, ICC-p ataatsimeer-

suarnera, oqarasuaatikkut oqaloqateqarluni aallakaatitassiat allallu. Marluinnilli oqaaseqarluni aallakaatitassiat kalaallisuujuunerusoq ingerlanneqartarput.

Tuluit oqaasii atorlugit aallakaatitassiat tassaapput aasaanerani ullut tamaasa silassamik nalunaarut tuluttoortoq. Aamma meeqqanut aallakaatitassiani tuluit oqaasii atorlugit ilanngutassiaqarsimavoq.

Ukioq ataaseq tassaavoq nalunaaquttap akunneri 8.760-it, pilerisaarutillu, teaserit, bufferit unillatsiarnermilu nipilersukkat ilanngullugit naatsorsoraanni nalunaaquttap akunneri tamarmiusut 8.625-iussapput, taakkunannga takuneqarsinnaavoq radio 2010-mi ulloq unnuarlu aallakaatinneqartarsimasoq. Kalaallisut oqaatsit atorlugit aallakaatitsineq aallakaatitat minnerpaamik 93 %-eraat.

<b>Nalunaarsuiffik 4. Radiomi tv-milu 2010-mi nalunaaquttap akunneri oqaatsinut agguataarlugit</b>			
<b>Radiokkut aallakaatitat</b>	<b>Nalunaaquttap akunneri Aallakaateqqaarneri</b>	<b>Nalunaaquttap akunneri Aallakaateqqinneri ilanngullugit</b>	<b>Aallakaateqqinneri ilanngullugit %- nngorlugu</b>
Kalaallisut	1.776	6.250	88,8
Kalaallisut/Danskisut *	390	460	6,5
Danskisut **	245	320	4,5
Tuluttut ***	8	12	0,2
<b>Katillugit</b>	<b>2.411</b>	<b>7.042</b>	<b>100</b>
<b>TV-kkut aallakaatitassiat</b>	<b>Nalunaaquttap akunneri Aallakaateqqaarneri</b>	<b>Nalunaaquttap akunneri Aallakaateqqinneri ilanngullugit</b>	<b>Aallakaateqqinneri ilanngullugit %- nngorlugu</b>
Kalaallisut	238	424	9,3
Kalaallisut/Danskisut	58	174	3,8
Danskisut	3.930	3.940	86,8
<b>Katillugit</b>	<b>4.226</b>	<b>4.538</b>	<b>99,9</b>

#### **TV-mi oqaatsit agguataarneri**



*Maria Motzfeldt juullimut ammartakkami 'Tammartakkami' NunaFondenimit aningaasaliiffiqineqartumi pingaarnertut inuttaavoq (Asseq: Deluxus Studio)*

Naatsorsuinermut ilanngukkaanni TV-kkut aallakaatitassiat kalaallisoortut aallakaatitsinerup tamarmiusup 13 %-iisa missaanniipput. Taakku affaasa missaat aallakaateqqi-taapput, tassungalu ilanngunneqarput aallakaatitassiat isiginnaartartut ilarpassuisa siul-lerpaamik takusimasinnaasaat, KNR-ip toqqorsivianeersuummata, soorlu meeqqanut juullimut ammartagaq 1990-ikkunni aallakaatinneqarsimasoq. TV-kkut aallakaatitassiat danskisoortut, KNR-ip avataani suliarineqarsimasut taakkunangalu amerlanersaat DR-imeersut ikittuararsuit aallakaateqqinneqartarput. Maluginiarneqassaaq pilerisaarutit, allagartat, teaserit, bufferit, unikkallarnermi nipilersuutit unikkallarnermilu assit naatsorsuinermut ilaatinneqanngimmata.



TV-mi teknikeri Mathias Davidsen 2010-mi suleqatitsialattut toqqarneqarpoq (Asseq: Deluxus Studio)

## 6. INGERLATSINERMUT ANINGAASARTUUTINIT TAMARMIOUSUNIT AKISSARSIANUT ATORNEQARTUT

Ingerlatsinermut aningaasartuutit tamarmiusut aningaasaliinermut aningaasartuutit ilanngullugit kiisalu taarsigassarsianut 1 mio. kr.-inik akiliutit Nalunaarsuiffimmi 5-imi ataaniittumi takuneqarsinnaapput.

Nalunaarsuiffik 5. Ingerlatsinermut aningaasartuutinit tamarmiusunit akissarsianut atorneqartut 1000 kr.-inngorlugit

Akissarsiat	Ingerlatsinermut aningaasartuutit tamarmiusut	%
42.882	67.782	63,3

## 7. ILINNIAQQINNERIT ILINNIAKKANILLU NANGITSINERIT ANNERTUS-SUSAAT

KNR-ip ilinniaqqinnernut ilinniakkanillu nangitsinernut 407.000 kr.-it 2010-mi atorpai. Pikkorissaanerit arlallit avataanit tapiiffigineqarnikkut ingerlanneqarsimapput.

Pikkorissaanerit makku ingerlanneqarsimapput, amerlanerpaartaallu Nuummi ingerlanneqarsimallutik:

- Aaqqissuisuullaqqinnerulerit
- Internettimi tusagassiortuuneq
- Oqaluttuaq pitsaasoq ilanngutassiinerlu pitsaasoq
- Radiomut piukkussanik tusagassiornermik ilinniartitsineq
- Suleqatigiinneq, isumassarsianik inerisaaneq, coaching kingornatigullu isornartorsiuneq
- Kalaallit oqaasiinik pikkorissaaneq
- WinCaps atorlugu ataatigut allagartalersuineq
- MCTS (Microsoft Certified Technical Specialist)
- EBU-mi nipimut assigiissaarineq nutaaq
- Linux/Unix tunngaviusoq
- Chyron
- Final Cut Pro,
- FCP-mik pikkorissarneq
- FCP-mik annertusisamik pikkorissarneq
- Atortorissaarutiniq digitaliusunut tunngatillugu iluarsaassinermut atuinermullu pikkorissarneq (nipilerineq).
- Coaching tunngavigalugu aqutsineq Anette Tindborg peqatigalugu
- Siulersuisuni sulineq pillugu pikkorissarneq
- C5-mik pikkorissarneq
- Ataatsimiinnermi aqutsineq Inuttullu sunniisinnaassuseqarneq

## 8. ALLATIGUT AALLAKAATITASSIORNEQ

KNR biilimik tunisaqarnikkut atortunillu attartortitsinikkut 243.000 kr.-inik isertitaqarsimavoq. KNR annertunerusumik allatigut suliaqarsimangilaq.

## ILANNGUSSAQ 1

Radiomik, TV-mik nutaarsiassanillu tamanik aallakaatitassiorneq 2009-mi immikkoortortaarfimmu ataatsimut katersorneqarpoq, KNR Aallakaatitassiorfik, imarisassanik aallakaatitassiorfik immikkoortut ataqtatigiissinneqarnissaat taamaaliornikkut qulakkeermallugu.<sup>2</sup> Immikkoortortaarfii, suliaasa sulisorisaasalu nalunaarsorsimaffiat ataani Nalunaarsuiffimmi 6-imi takuneqarsinnaavoq.

### Nalunaarsuiffik 6. KNR Aallakaatitassiorfimmi suliassat sulisorisallu

Immikkoortortaarfik	Suliassat	Sulisorisat
<b>KNR Aallakaatitassiorfik</b>	Aallakaatitassiornerup tamarmiusup ataqtatigiissaarnissaa Nutaarsiassaqaartitsivimmi pisortaaneq	Pisortaq 1 Sisimiuni ilanngutassisartog 1 Københavni ilanngutassisartog 1
<b>KNR TV</b>	Oqaloqateqarluni aallakaatitassiaq Pulaarfik Inuusuttorsiuq Oqarit, Tunuliaqutsiilluni aallakaatitassiaq Isuma, Meeqqanut aallakaatitassiaq Upaluk Mikilu, Toqqaannartumik aallakaatitsinerit	Pisortaq 1 Aallakaatitassiornermi pilersaarsiortog 1 Aallakaatitassiorfik 5 Aallakaatitsisartog 2
<b>KNR Radio</b>	Ulloq unnuarlu nalunaaquttap akunnerini 24-ini aallakaatitsisarpoq Nammineq aallakaatitassiat: Ullaanerani aallakaatitassiaq 'Iterluarnaq' Ualinerani aallakaatitassiaq 'Nunarput ullumi' Oqarasuaatikkut oqaloqateqarluni aallakaatitassiaq 'Aperiinnariarit' Oqarasuaatikkut oqaloqateqarluni aallakaatitassiaq 'Inuugujog' 'Pulaarti'-mi pulaartoqarluni aallakaatitassiaq Pulaartoqarluni oqallinneq 'Oqalliffik' Tunuliaqutsiilluni aallakaatitassiaq 'Qulequtaq' 'Ippiarisuk' 'Nipilersukkat nuannarisakka' Ilsarititsiilluni aallakaatitassiaq 'Tamassa kangujarlutit' Aliikkusersuinerimik aallakaatitassiaq 'Aliikkusiarfik' Aliikkusersuinerimik aallakaatitassiaq 'Oqaluasaarfik'  KNR Radiop freelancerit suleqatigalugit makku aallakaatitassiarisarpai:  'Ullormut eqqarsaatigisassat' 'Biibili- mit atuaaneq' Tunuliaqutsiilluni aallakaatitassiaq 'Det handler om Grønland' Nipilersukkanik aallakaatitassiaq 'Tusarnaartilaarlassi' 'Allagarsiat'	Pisortaq 1 Aaqqissuisog 1 Tusagassiorfik 10 Speakerit 2

<sup>2</sup> Malugiuk: KNR aqqissuussaaneermik 2011-mi pisariillisaavoq. Immikkoortortaarfik KNR Aallakaatitassiorfik atorunnaarsinneqarpoq, immikkoortortaarfimmi aqutsisut tamarmik pisortaqtatigiit ataanniilerput, suleqatigiit pisortaatus atorfiit arlallit atorunnaarsinneqarput, taarsiullugulu suliniutinut aqqissuussaaneq suliniutinik aqutsisoqartillugu eqqunneqarluni.

	<p>Oqarasuaatikkut oqaloqateqarluni aallakaatitassiaq  'Hallo Hallo'  Meeqqanut aallakaatitassiaq 'Meeqqanut'  Kulturi pillugu aallakaatitassiaq 'Qilaat'  Timersorneq pillugu aallakaatitassiaq 'Radiumi timersorneq'  Oqaatsit pillugit aallakaatitassiat 'Oqaatsit' aamma  'Oqaatsit minutsimut'</p>	
<b>Radioaviisi</b>	<p>Ulluinnarni:  Radioaviisi nal. 7, 8 aamma 9 kalaallisut  Radioaviisi nal. 7, 8 aamma 9 danskisut  Radioaviisi nal. 12.15 kalaallisut  Radioaviisi nal. 12.30 danskisut  Radioaviisi nal. 18.30 kalaallisut  Radioaviisi nal. 19.00 danskisut  Kalaallit Nunaannit nutaarsiassat DR, P1</p> <p>Arfiningornikkut, sapaatikkut nalliuttunilu:  Radioaviisi oqaatsit marluutillugit nal. 15  Unnukut radioaviisi oqaatsit marluutillugit</p>	<p>Aaqqissuisoq 1  Tusagassiortut 9  Aallakaatitsisartut 3</p>
<b>Webikkut nutaarsiassat</b>	<p>Nammineq nutaarsiassaati oqaatsit marluk atorlugit,  ataatsikkut saqqummiunneqartarlutik piffissami 6.00 –  18.00 ulluinnarni</p>	<p>Aaqqissuisoq 1  Tusagassiortut 2</p>
<b>Qanorooq</b>	<p>Ulluinnaat tamaasa  Sapaatit akunneranut ataasiarluni Ugeavis DR2  Aasaanerani 'Aasaannaqaaq'</p>	<p>Aaqqissuisoq 1  Tusagassiortut 4  Aallakaatitsivimmi saqqummiisartut 2  Aallakaatitassiornermi ikiorti 1</p>
<b>KNR Kujataa</b>	<p>Radioaviisimut ilanngutassiat  Qanoruumut ilanngutassiat  Radiomut TV-mullu ilanngutassiat</p>	<p>Aqutsisoq 1  Tusagassiortut 2  Ingerlatsinerme teknikeri 1</p>
<b>KNR Avanna</b>	<p>Radioaviisimut ilanngutassiat  Qanoruumut ilanngutassiat  Radiomut TV-mullu ilanngutassiat</p>	<p>Aqutsisoq 1  Tusagassiortut 2  Ingerlatsinerme teknikeri 1</p>
<b>Nutserisut</b>	<p>Radioaviisimut ilanngutassianik nutserineq  Qanoruumik danskiuunngortitsineq  Radiomut TV-mullu nutserineq</p>	<p>Aqutsisoq 1  Nutserisut 4</p>
<b>Teknikerit</b>	<p>TV-mi aallaakaatitassiornermut tamarmut nipilerineq  assitalersuinerlu  Radiomi aallakaatitassiornermut tamarmut nipilerineq  Nutaarsiassanut nipilerineq</p>	<p>Teknikerit 14  Teknikerit/speakerit 2  Ilinniartut 4</p>



## ILANNGUSSAQ 2

SWOT-imik misissueqqissaarinermi nukittuffiit, sanngiiffiit, periarfissat sioranartullu paasiuminarsarlugit skema atorlugu saqqummiunneqarput. Nukittuffiit taamaasillutik aamma sanngiiffiusinnaapput, paarlattuanilluunniit. KNR-imik SWOT-imik misissueqqis-saarineq ataani Nalunaarsuiffimmi 7-imi takuneqarsinnaavoq.

### Nalunaarsuiffik 7. KNR-imik SWOT-imik misissueqqissaarineq

<p><b>Nukittuffiit</b></p> <ul style="list-style-type: none"> <li>Kisermaassineq</li> <li>Piginnittunit aningaasaliissutit</li> <li>Pitsaanerulerusuppugut</li> <li>Sinerissami nukittuumik inissisimavugut</li> <li>Pisartuvut suli piunapput</li> <li>Teknologi aallakaatsiviillu</li> <li>Allannguissamut piunassuseqarneq</li> <li>Sulisut pisortallu ilungersortut</li> <li>Inuusuttut tusagassiuutinik pikkoriffigisaqartut amerliartorput</li> <li>Isiginnaartartut tusarnaartartullu eqeersimaar-tut isornartorsuisullu</li> <li>Tusagassiuutit allat suleqatigalugit aningaasar-tuutikillisaasinnaaneq</li> </ul>	<p><b>Periarfissat</b></p> <ul style="list-style-type: none"> <li>Kalaallit Nunaannik ataqatigiissitsinissaq</li> <li>Ilisimasaqassutsip qaffasissusaanik tamallu oqartussaaqataanerannik nukittorsaanissaq</li> <li>Inuiaqatigiinni tamani kulturimik nutaaliornermillu nukittorsaanissaq</li> <li>Kulturilerisunik suliffeqarfinnillu pilersaarusiornikkut suleqatigiinnerit</li> <li>Internetti, oqarasuaatit angallattakkat, tekst tv</li> <li>Aningaasaateqarfinit aningaasat</li> <li>Sumiiffiit immiussiffigineqartut alianaatsut</li> <li>Oqaluttuat nuannersorsuit</li> <li>Kalaallit Nunaat tusagassiuutini allani</li> </ul>
<p><b>Sanngiiffiit</b></p> <ul style="list-style-type: none"> <li>Sulisorisat amigarput</li> <li>Sulisut pikkorissut qasutippagut</li> <li>Akissarsiat unammillersinnaassuseqanngillat ukiumoortumik aningaasanut inatsisit apeqqutaasarpurput</li> <li>Sulisut taarseraannerat annertuvoq</li> <li>Suliassat amerlanerit, aningaasat ikinnerit</li> <li>Oqaatsinik atuiffiusoq annikippoq</li> <li>Piginnaasat ikippallaarput</li> <li>Aqqissuisoqarfiit minnerulersinneqarsinnaanngillat</li> <li>DR-imi 1980-kkunni suleriaaserineqartut assingi</li> <li>Piginnaasanik inerisaanissaq inissaqartinneqanngillaq</li> <li>Piginnittuni suliat suliarisarneri arriippoq</li> <li>Aningaasaqarneq nunanilu tamalaani tusagassiuutit pillugit piginnaasat siulersuisuni amigarput</li> </ul>	<p><b>Sioranartut</b></p> <ul style="list-style-type: none"> <li>Avataanit annertuumik isornartorsiorneqarneq</li> <li>Ajortumik 'ilisimaneqarneq' Facebookimit, Googlemit, Disney Channelimit, Cartoon Networkimi, U Tubemit, DR-imit, TV2-mit, CNN-imit BBC-millu sakkortuumik unammillerneqarneq</li> <li>Nunani allani tusagassiuuteqarfiit angisuut allat tunniuttagaannik tunniussaqaqarnissat-sinnik naatsorsuuteqarneq</li> <li>Namminersorlutik Oqartussanut ukiorpasuarni akiitsoqarneq</li> <li>Nammineq aningaasaatit negativiusut</li> <li>Internettip akii qaffasissut</li> </ul>